



GEREJA KRISTEN PROTESTAN SIMALUNGUN (GKPS) SIMALUNGUN PROTESTANT CHRISTIAN CHURCH

Pimpinan Pusat GKPS

Ephorus : Pdt Martin Rumanja Purba MSI
Sekretaris Jenderal : Pdt Dr Paul Ulrich Munthe

No. : 171/3-PP/2020

Pematangsiantar, 19 April 2020

Lamp. : -

Hal : TONAH NI PIMPINAN PUSAT GKPS BANI MINGGU HARI BUMI SEDUNIA 2020

Nahinaholongan:

Haganup Kuria GKPS

Tiba Pengantar Jemaat

Bani ianan ni bei


Salam Tahun Kepemimpinan yang Berkarakter ibagas goran ni Tuhan Yesus Kristus!

Marhasoman hatarimakasihon pasal silayak-layak ni Naibata marhitei ganup na tinompa-Ni, pakon kesadaran pasal pandiloonta laho mampardiateihon ampa manramotkon tanoh on, padasonnami ma tonahnami hubani nasiam bani na iparingati hita "Minggu Hari Bumi Sedunia" bani panorang on.

1. Selaku jolma na tinompa ni Naibata dos songon rupa-Ni, tardilo do hita laho manoruskon aha na dob ihorjahon Naibata bani tanoh on (Psalm 104). Isuruh anjaha itotapkon do hita laho mampardiateihon pakon manramotkon tanoh on ampa haganup tinompa songon na dob binahen-Ni (1 Mus. 2:15).
2. Ganup ari do isaksihon pakon iahapkon hita perubahan ni cuaca na lang manontu bani panorang parpudi on. Ididah hita do homa bani buei ianan, sonaha hajengeson ni na tinompa na gabe hataridahon ni habanggalon pakon hamuliaon ni Naibata, domma gabe maseda binahen ni polusi pakon sampah, na mangkorhon krisis lingkungan hidup. Selaku kuria ni Tuhan, iakui hita do paboa haganupan ai, aima halani tindakan ni jolma na manlanggar parentah ni Naibata Sipanompa. Parsoalan on dihut do gabe parsoalan ni haporsayaonta. Selaku halak na porsaya, iparentahkon Naibata do hita ase manggoluh ibagas relasi na dear pakon haganup tinompa, sedo laho parsedahon tapi patorsahon do.
3. Hasedaon ni na tinompa, marpangkorhon do hubani haganup jolma na mangiani tanoh on. Tarjadi do pemanasan global, sipanganon pakon siinumon na terkontaminasi sonai homa parroh ni morga ni naborit na baru songon na idompakkon hita nuan. Panorang on ai ma panorang na kritis janah tomos, na mandilo hita haganup laho marpambahenan secara pribadi sonai bersama-sama patorsahon tanoh on maranjolan hubani parentah pakon pandiloon ni Naibata hubanta. Salah sada reaksi nyata na boi ihorjahon hita aima mangurangi penggunaan plastik bani pargoluhan ari-ari. Tuhanta ma na pabayuhon uhurta, pagogohkon sihol ni uhurta janah mambobai hita laho marpambahenan patorsahon tanoh on.

Idop ni uhur ni Tuhan Yesus Kristus, pakon holong ni atei ni Naibata Bapa ampa parsaoan ni Tonduy Napansing ma mangkasomani nasiam gabe pasu-pasu hubani ganup tinompa-Ni.

Salam pakon tonggo,
Pimpinan Pusat GKPS


Pdt. Martin Rumanja Purba
Ephorus


Pdt. Dr. Paul Ulrich Munthe
Sekretaris Jenderal

Tembusan:

- Praeses Distrik I-XI
- Pengurus GKPS Resort
- File